

那文毅公奏議

那文毅公籌畫回疆善後事宜奏議卷七十八目錄

卷七十八

撫馭卡內回子

請補伯克

附請補頒官員伯克關防

旌卹節義

那文毅公籌畫回疆善後事宜奏議卷七十八

男
容安恭輯

撫馭卡內回子

道光八年四月十九日會同阿克蘇辦事大臣長
公清葉爾羌辦事大臣恒公敬

奏爲出借阿葉兩城回戶口糧作三年徵完以廣

皇仁事竊照阿克蘇一帶經連年採買兵糧回戶不知
蓋藏求取一時之利遂將去歲一年籽種悉數出
賣因之有地無力不能耕種回戶實形拮据那
彥戌訪查情形阿克蘇所屬洋阿里克回莊一帶

地土膏腴產糧最多阿城向資該處接濟兩年以來兵行經過食指實繁是以上年荒蕪地畝甚多今年雖種而收成尙需時日向來回子以桑椹瓜果等物俱堪作爲糧食惟現當青黃不接之時餬口維艱茲查明約有五百餘戶嗷嗷待哺以草根樹皮度日情形極爲可憫前因軍旅往來窮回小本營生尙堪餬口現當官兵凱撤完竣無可謀生秋成尙遠不得不設法調劑

臣那彥成

陛辭時屢蒙

聖諭諄諄以回疆辦理善後首重撫綏收輯人心爲第

一要務仰見

皇上本仁心卽爲治法

恩周萬里率土無異

臣

不勝欽感欽服茲與

臣

長清悉

心籌畫現有運貯兵糧三千石內動撥一千石飭
令阿奇木伯克等確查實在有地無力之戶據實
查明按人散給作爲口食分三年徵完嗣後不得
援以爲例一面出示曉諭使回衆均沐

皇仁並嚴禁有力之戶及無地之人俱不准冒領務期
窮回得沾實惠無遺無濫廣布

隆施一面咨查西四城有無情形相似應須接濟之處

茲

臣

那彥成行抵葉爾羌適

臣

恒敬

臣

札克桑阿

亦查有前年被搶被害回子六百餘戶情形與阿
城窮回相等似應一律調劑但查張逆滋事葉城
回子甘心從逆勢如瓦解此時不概繩以法已屬
再造之恩本不應仰邀撫卹惟念該回夷逼於賊衆情
亦有所不能自己自克復以來亦皆深知畏懼極
稱恭順

臣

等仰體

皇上法外施恩之意當此回心甫定奉揚

仁施浹髓淪肌迥非尋常感激洵足以廣

恩澤而懾人心卽在於葉城存倉糧石內動撥一千石

按戶給散亦分三年徵完以歸畫一其餘名城應
否借給俟咨覆到日再行具奏謹

奏奉

硃批所見甚是依議妥辦

道光八年七月十九日會同叅贊大臣固原提督
楊公芳喀什噶爾叅贊大臣武公隆阿

奏_臣等欽奉

諭旨伊薩克現已蓄留髮辮並伊子孫及現充伯克各
回子等均願蓄留髮辮情詞真切具見愛戴之忱洵
堪嘉獎其賞世職之回子等願留髮辮固屬可嘉若

習俗相沿難於驟改亦聽其便欽此仰見

皇上本風俗以爲治理曲盡物情之至意伏查現充伯克各回子均因伊薩克得蒙

恩獎紛紛告請願留髮辮以表愛戴

天朝之忱是回子等深以准留髮辮爲榮幸若一律准其蓄留漫無區別轉不足以爲重臣等酌議嗣後凡阿奇木伯克以下至四品伯克方准蓄留髮辮至盡忠有功伯克子孫准其蓄留以示寵異實屬欣羨而無疑難其餘四品以下均不准妄自蓄留以示限制俾知頂戴

天恩卽屬非常之榮得此鼓舞奮興勉期向化畏神永靖藩服並諭飭各城阿奇木轉飭遵照謹

奏奉

硃批依議

道光八年九月十五日會同叅贊大臣固原提督楊公芳喀什噶爾叅贊大臣武公隆阿

奏據伊薩克面稟伊家世受

皇上恩寵涓埃未報自軍興以來伊薩克仰荷

恩施稠疊尤夢想所不到現在長子愛瑪特又蒙奏補阿克蘇阿奇木女婿胡達巴爾第現任庫車阿奇

木一家父子親屬渥荷

恩榮捫心感激無可圖報本擬親身進京求

賞差使藉伸戀

主之忱因喀城南經安定正當盡心撫字愛瑪特署理
阿克蘇阿奇木均有職守未敢率請開缺惟有次
子邁瑪特年已成丁現在趕緊教習滿文並爲婚
娶俟年班時伊薩克入都瞻覲

天顏帶令泥首

宮門求

賞苦差代伊薩克稍効犬馬之力仰答

天恩等語請據情代奏前來理合附片奏

聞謹

奏奉

硃批覽奏具見忱悃另有旨諭

道光八年十月十七日奉

上諭那彥成等奏伊薩克籲懇入都瞻覲等語回子郡王喀什噶爾幫辦大臣阿奇木伯克伊薩克前自軍興以來克著忠勤茲因受恩深重籲懇瞻覲並帶同伊次子邁瑪特來京求賞差使覽奏具見悃忱朕心甚爲嘉悅伊薩克卽著於明年年班時帶同伊子邁

瑪特來京以示眷注

請補伯克

附請補頒官員伯克關防

道光八年六月初二日會同叅贊大臣固原提督
楊公芳喀什噶爾叅贊大臣武公隆阿

奏爲敬陳回疆歷年補放伯克賄囑積弊擬定章程
事竊查此次逆裔張格爾入卡滋事由於近年來
失布魯特之心自壞藩籬亦由於回疆大小官員
圖利剝削年復一年日甚一日以致釀成巨案此
時天兵戡定首重撫綏欲戢衆心先清弊竇使回
衆咸感

皇上柔遠安邊之厚恩自可久安長治

臣

那彥成自入

回疆沿途密訪各城利弊如陋規之大者大概訪明現俟各城詳細查覆到日逐件奏明勒石永禁近來更有賣放伯克一端急宜奏定章程方可永除積弊查回子最重

天朝翎頂官職以爲榮寵從前遇有伯克缺出賄囑司員營謀辦事大臣被其朦混迨後各大臣間有受賄賣缺每伯克一缺有費至元寶若干錠者蓋該伯克出資得缺便可指大小衙門爲名苛斂回衆自阿奇木以下層層剝削爲數竟難指數回疆大臣各管各城不相統屬恃無稽考藉得任意妄爲

該大臣偶然獲利十不得其二三而印房回務章
京與阿奇木伯克等獲利十倍是該伯克費之於
上取之於下年久悉成巨富窮苦回衆殆不聊生
於是遇有伯克缺出財賄營求積爲陋習回民受
累日深思之深堪痛恨臣那彥成屢次具奏回疆
大臣必須慎選亦正爲此查定例各城大小伯克
缺出由本城大臣擬定正陪連人咨送喀什噶爾
叅贊大臣驗放分別奏咨倘照舊例辦理其弊仍
不能絕終非長策應請嗣後各城遇有三品至五
品伯克缺出由本城大臣查明先儘出力受傷或

家口被害之人次儘死事人之子孫次儘出力世家並視其人才能否辦事逐細聲明照內地體制造具四柱清冊一勞績二資格三人才四家世填註事實出具切實考語將應陞應補之人開列四五員咨送叅贊大臣驗看其應陞之員亦請定爲厯俸三年之例俸滿者方准保送如有朦混不清卽行駁查如果覆核無異卽照各城大臣原送考語開單奏請

欽定一員補放俾仰邀

錄用之人皆知出自

大皇帝天恩無所用其賄賂此後該伯克犯有公過與
原保大臣無涉若有擾累回衆或將已革陋規改
易名目斂錢肥己等事一經發覺請將原保大臣
嚴加議處六七品伯克及金頂回子遇有缺出亦
不能無弊且今日之六七品伯克卽異日之阿奇
木伯克尤不可不加慎重應由各城大臣詳加遴
選查明俸滿應陞及應補之人亦造四柱清冊酌
保三四員咨送叅贊大臣驗放該伯克等職分較
小照例補放毋庸具奏咨明理藩院查核此外回
子工匠及阿奇木家人并在京爲奴遇

赦釋回之回子均因通曉漢話充當通事繼因各城辦事大臣以其當差熟識或瞻徇情面遂至違例陞用伯克如已正法之阿布都拉等類乃其甚者況此輩出入衙門內外串通遇事滋擾無惡不極現在伯克內查明如有曾充工匠家人及有罪赦回之犯有已放伯克之人卽行斥退以後只准充當通事不准陞補伯克再各城阿奇木伯克伊什罕伯克都管伯克均有經管糧賦差徭之責一切苛派弊竇皆出若輩之手乾隆年間舊例太伯克迴避本城小伯克迴避本莊喀城卷案悉被焚燬無

可稽查詢之年老伯克僉稱無異近來辦事各大臣不能悉屬秉公便於營私不特阿奇木伯克多用本城回子卽小伯克亦以本莊之人辦本莊之事該伯克等情形熟悉一經剝削其害尤甚嗣後陞補各城阿奇木伊什罕都管等伯克迴避本城五六七品伯克迴避本莊如有朦混錯誤補放者理藩院查出照例請

旨交部議處該叅贊大臣仍隨時密訪如有前項各弊嚴加叅奏從重辦理以昭炯戒謹據臣等愚昧之見擬議章程請

旨作爲定例至現在西四城大小伯克被難從逆及逃亡之人懸缺日久尙未遴補_臣等業已咨查各缺俟覆到之日秉公核定開單分別

奏咨卽照此次奏定章程辦理再西四城舊制英吉沙爾屬於喀什噶爾和闐屬於葉爾羌屬城與本城應請一律迴避以昭畫一謹

奏奉

硃批所議甚屬周妥另有旨

道光八年七月初三日奉

上諭那彥成等奏敬陳回疆歷年補放伯克積弊擬定

章程一摺所議甚屬周妥定例各城大小伯克缺出由本城大臣擬定正陪咨送喀什噶爾叅贊大臣驗放分別奏咨現據那彥成等查明從前伯克缺出往往有賄囑營謀等弊積習相沿回民受累現在回疆底定首重撫綏欲戢衆心先清弊竇自應明定章程以垂久遠著照所議嗣後各城三品至五品伯克缺出由本城大臣查明先儘出力受傷或家口被害之人次儘死事人之子孫次儘出力世家並視其人才能否辦事逐細聲明照內地體制造具四柱清冊一勞績二資格三人才四家世填註事實出具切實考

語將應陞應補之人開列四五員咨送叅贊大臣驗
看其應陞之員亦請定爲歷俸三年之例俸滿者方
准保送如有朦混不清卽行駁查如果覆核無異卽
照各城大臣原送考語開單奏請補放此後該伯克
犯有公過與原保大臣無涉若有擾累回衆或將已
革陋規改易名目斂錢肥己等事一經發覺卽將原
保大臣嚴加議處其六七品伯克及金頂回子缺出
由各城大臣詳加遴選查明俸滿應陞及應補之人
亦造四柱清冊酌保三四員咨送叅贊大臣驗放毋
庸具奏仍咨明理藩院查覈此外回子工匠及阿奇

木家人並在京爲奴遇赦釋回之回子均因通曉漢話充當通事各城辦事大臣以其當差熟識或瞻徇情面遂至違例陞用伯克此輩出入衙門內外串通遇事滋擾著於現在伯克內查明如有曾充工匠家人及有罪赦回之犯有已放伯克之人卽行斥退以後此等出身之回子充當通事不准陞補伯克至各城阿奇木伯克伊什罕伯克都管伯克均有經管糧賦差徭之責一切苛派弊竇皆出其手乾隆年間舊制大伯克迴避本城小伯克迴避本莊近來阿奇木伯克多用本城回子小伯克以本莊之人辦本莊之

事該伯克等情形熟悉剝削尤甚嗣後陞補各城阿奇木伊什罕都管等伯克迴避本城五六品伯克迴避本莊如有朦混錯誤補放者理藩院查出照例請旨交部議處該叅贊大臣仍隨時密訪如有前項各弊嚴行叅奏從重辦理以昭炯戒至舊制英吉沙爾屬於喀什噶爾和闐屬於葉爾羌屬城與本城著一律迴避該衙門知道

道光八年八月二十二日會同叅贊大臣固原提督楊公芳喀什噶爾叅贊大臣武公隆阿

奏爲揀補西四城五品以上伯克恭繕清單具

奏事竊照前年張格爾入卡滋事西四城大小伯克
或抗志捐軀或棄職從逆出缺甚多雖均委署有
人但係一時權宜之計並非合例應補之員懸缺
兩年亟應揀選合例人員分別奏咨請補以專責
成當卽咨准各城開送大小伯克額缺並應陞應
補各伯克回子履歷清冊前來伏查臣等奏定章
程嗣後三品至五品伯克缺出由各城大臣查明
應陞應補之人開列四五員咨送叅贊大臣開單
奏請

欽定一員補放茲西四城三四五品伯克除喀什噶爾

阿奇木伊薩克葉爾羌阿奇木阿布都爾滿業已
奏請實授外其餘四十六缺並伊薩克所遺阿克
蘇三品阿奇木一缺均須揀選合例人員請補第
缺多人少不能照例由各城大臣擬定正陪出考
咨送惟有遵照奏定章程考其勞績資格人才家
世分別迴避本城本莊會同商酌秉公核擬即將
應補之人繕具簡明清單恭候

欽定候奉

旨准補仍責成各城大臣隨時察看如果實在潔已辦
公於一年期滿出具考語咨由叅贊大臣奏請實

授如不稱職立即撤參另揀妥員請補嗣後續有
五品以上伯克缺出即可照原奏辦理其餘六七
品伯克現亦一律揀補由臣武隆阿詳細核明另
行造冊咨送理藩院查覈惟葉爾羌所屬之色勒
瑚爾地方向設五品阿奇木及伊什罕等小伯克
距卡倫八九日程途錯處於布魯特愛曼之中與
什克南巴達克山連界非本莊之人熟悉情形難
期勝任應請毋庸照卡內迴避本莊之例遇有缺
出由該城大臣秉公揀補咨明叅贊大臣分別奏
咨辦理再查喀什噶爾額設五品訥可布伯克一

員管理各項工匠五品密圖瓦利伯克一員管理
田房地契五品莫提色布伯克一員管理禮拜寺
均無重任查罕愛里克和色爾布依二莊回戶較
多原設六七品伯克照料難周察拉根地方卽係
大河拐開墾新川處所向無伯克經管請將前項
五品伯克三員各給予五品阿奇木職銜移設罕
愛里克等處駐劄又阿爾瑚莊額設六品阿奇木
伯克一員六品哈資伯克一員品級相等無所統
屬請將六品哈資伯克移駐察拉根管理農田又
阿斯圖阿爾圖什莊額設七品明伯克五員係屬

冗設應請裁撤二員以一員移駐察拉根幫辦農
田事務以一員移駐阿爾瑚莊抵補六品哈資伯
克裁缺又查得伊什罕伯克係幫同阿奇木辦事
之人英吉沙爾莊額設四品阿奇木伯克一員並
無伊什罕伯克該城回戶衆多公事繁重應請將
六品哈資伯克照拜城之例加五品伊什罕職銜
以資勦理以上裁改各缺應得養廉燕齊地畝均
照舊設並無增損一轉移間於地方公事均有裨
益現補伯克均照奏改缺分辦理再此項伯克所
出之缺及東四城大小伯克員缺容俟查明另行

續奏謹

奏

道光八年九月二十二日奉

上諭那彥成等奏揀補西四城五品以上伯克開單請
旨一摺回疆西四城三品至五品伯克除喀什噶爾
阿奇木伊薩克葉爾羌阿奇木阿布都爾滿業經奏
請實授外其餘四十六缺並伊薩克所出阿克蘇三
品阿奇木一缺現據那彥成等將合例人員分別揀
補著照所請喀什噶爾四品伊什罕伯克奎其以托
克托尼襍爾陞補四品噶襍納齊伯克奎其以作霍

爾頂陞補斯底克托胡達俱著陞補四品商伯克密
爾哈斯木准補五品哈資伯克阿布拉准補牌素巴
特四品阿奇木伯克邁瑪特准補阿斯圖阿爾圖什
莊五品阿奇木伯克阿里雅特准補伯什克勒木五
品阿奇木伯克庫圖魯克著陞補和色爾布依五品
阿奇木伯克阿布都瓦依特著陞補罕愛里克五品
阿奇木伯克阿布都熱依特准補察拉根五品阿奇
木伯克阿布都拉里克准補塔斯渾五品密喇普伯
克胡爾班准補塔什密里克五品阿奇木伯克英吉
沙爾四品阿奇木著邁瑪特瑪哈素特補授五品伊

什罕伯克著阿里雅爾補授葉爾羌四品伊什罕伯克著邁瑪特愛哈瑪特陞補四品噶襍納齊伯克著多拉素皮陞補四品商伯克愛里木沙准其回任玉素普著陞補四品商伯克五品訥可布伯克著阿布都克里木陞補五品密喇普伯克著阿什木陞補五品帕提沙布伯克著邁哈密的陞補五品密圖瓦利伯克著斯底克調補五品柯勒克牙拉克伯克著愛里木陞補伊斯瑪依爾著調補五品斯帕哈資伯克圖連底著陞補五品喇雅哈資伯克多列素皮著陞補五品喀喇都管伯克沙依特准補舒克舒五品阿

奇木伯克玉素普沙著陞補哈爾哈里克五品阿奇
木伯克和什喇普五品阿奇木伯克邁瑪特呢雅斯
准其回任托果斯鉛五品阿奇木伯克著愛散陞補
牌斯鉛五品密喇布伯克著伊斯罕達爾陞補桑珠
五品阿奇木伯克著莫洛河色木陞補色勒瑚爾五
品阿奇木伯克著邁瑪沙陞補和闐三品阿奇木伯
克著依斯瑪依爾陞補四品伊什罕伯克著喀拉雅
哈底陞補五品噶襍納齊伯克著邁瑪斯迪克陞補
五品商伯克托胡達准其回任胡達拜底著陞補五
品商伯克木薩克著陞補哈拉哈什四品阿奇木伯

克五品商伯克伊敏准其回任愛孜木沙著陞補玉隴哈什四品阿奇木伯克阿瓦斯著陞補策勒村四品阿奇木伯克克里雅四品阿奇木伯克邁瑪特准其回任五品採鉛伯克著邁瑪底敏陞補塔克努喇村四品阿奇木伯克帕拉特准其回任阿克蘇三品阿奇木伯克著愛瑪特補授以上各員著責成各城大臣隨時察看如果實在潔已辦公俟一年期滿出具考語咨明叅贊大臣另行奏請實授如不稱職立即撤叅另揀委員請補至葉爾羌所屬之色勒瑚爾地方向設五品阿奇木及伊什罕等小伯克距卡倫

較遠與什克南巴達克山連界非本莊之人熟悉情
形不能勝任毋庸照卡內迴避本莊之例著遇有缺
出由該城大臣秉公揀補咨明參贊大臣分別奏咨
辦理喀什噶爾額設五品訥可布伯克五品密圖瓦
利伯克五品莫提色布伯克三員管理工匠田地房
契等件均無重在罕愛里克和色爾布依二莊回戶
較多原設六七品伯克照料難周察拉根地方係大
河拐開墾新田處所向無伯克經管著將前項五品
伯克三員各給予五品阿奇木職銜移設罕愛里克
等處駐劄其阿爾瑚莊額設六品阿奇木伯克與六

品哈資伯克品級相等無所統屬著將六品哈資伯克移駐察拉根管理農田又阿斯圖阿爾圖什莊額設七品明伯克五員著裁撤二員以一員移駐察拉根幫辦農田事務以一員移駐阿爾瑚莊抵補六品哈資伯克裁缺英吉沙爾額設四品阿奇木一員並無伊什罕伯克幫辦該城公事較繁所有六品哈資伯克著照拜城之例賞加五品伊什罕職銜以資勸理餘著照所議辦理該衙門知道單併發

道光八年九月十五日會同喀什噶爾叅贊大臣
武公隆阿

奏自軍興以來各城大小伯克及小回子中實在著有勞績者均經長齡等隨時奏蒙

賞給頂翎

臣

那彥成抵喀後復又查得邁瑪特邁哈素

特等四員應分別賞給翎頂奏蒙

聖鑒在案惟小回子中現戴五六七品頂戴者甚多并有戴用藍翎之人並無奏明案據查頂戴爲

天朝名器各回子向來最爲欣羨更不可冒濫務使外夷知其難得爲貴方足以示操縱茲查前項回子係大兵到喀什噶爾以後領兵各將官及各項委員以該回子等供役或有隨同出卡出力者隨時

給予均無案據可憑目下辦理善後將次完竣此等濫膺頂戴之回子原應一律革除以昭整肅第其中亦有實在出力之人礙難辦理且無從查對清楚茲_臣等酌議此等濫膺頂戴之回子只准頂戴榮身凡未經奏明濫戴翎枝者概行拔去均令一體與小回子一律納糧當差遇有伯克缺出不_得濫厠伯克之列入於揀選仍咨令西四城各城大臣逐細查明如有實在出力及確有憑據者隨時奏明辦理其餘止准戴用虛頂之人亦造具花名頂戴清冊咨送理藩院存案以杜冒濫此內如

有實在才具可用之人由各城大臣切實保奏方准錄用以示區別謹

奏奉

硃批此條更好另有旨

道光八年十月十七日奉

上諭那彥成等奏各城小回子戴用五六七品頂戴者甚多並有戴用藍翎之人查係領兵將領隨時給與並無奏明案據請祇准其頂戴榮身與小回子一體納糧當差等語頂戴爲名器所關原不容稍滋冒濫既據該督等查明前此帶兵將領等隨時給與均無

案據若此時一律革除其中有實在出力者轉致向隅著加恩將此項回子祇准其頂戴榮身凡未經奏明濫戴翎枝者概令拔除均著與小回子一律納糧當差遇有伯克缺出如有實在才具可用者由各城大臣切實保奏方准錄用其餘不得濫入揀選並著西四城辦事大臣逐細查明實在出力確有憑據者隨時奏明辦理其餘祇准戴用虛頂之回子卽行造具花名清冊咨送理藩院存案以杜冒濫

道光八年十月初五日會同喀什噶爾叅贊大臣

武公隆阿

奏查南路各城換防將備如烏什叅將拜城遊擊和
闐都司向有部頒關防喀葉等城舊設副將遊擊
均用木刻鈐記舊制本未畫一茲喀葉二城增設
防兵英吉沙爾雖未增兵亦係西四城重鎮該營
員等有城守臺市兵馬錢糧之責均應給與部頒
關防以昭信守查喀什噶爾中營換防遊擊城守
營換防遊擊葉爾羌換防叅將城守營換防都司
英吉沙爾換防遊擊等五員應請

旨勅部各鑄給關防一顆其和闐換防都司原頒關防
業經遺失並請一律補給又喀什噶爾本城阿奇

木伯克原頒圖記雖已查獲不堪印用其喀什噶爾塔什密里克阿奇木伯克葉爾羌巴爾楚克阿奇木伯克和闐哈拉哈什阿奇木伯克玉隴哈什阿奇木伯克原頒圖記亦均遺失以上阿奇木伯克五員請

旨勅部各鑄給圖記一顆俾復舊制查獲喀什噶爾阿奇木伯克舊圖記一顆遇便咨送禮部查銷並咨行各城確查遺失關防圖記獲日另行咨部繳銷
謹

奏

道光八年十一月初七日奉

上諭那彥成奏喀什噶爾換防遊擊各員及阿奇木伯克等鑄給關防圖記等語著照所請喀什噶爾中營換防遊擊城守營換防遊擊葉爾羌換防叅將城守營換防都司英吉沙爾換防遊擊關防著禮部鑄造頒發和闐換防都司原頒關防遺失著一律補給至喀什噶爾阿奇木伯克塔什密里克阿奇木伯克葉爾羌巴爾楚克阿奇木伯克和闐哈拉喀什阿奇木伯克玉隴喀什阿奇木伯克均著鑄給圖記俾復舊制該部知道

道光八年十二月二十八日會同喀什噶爾叅贊

大臣武公隆阿

奏本年十月間

臣

等奏喀什噶爾黑帽回子擇其才

具明白者挑補伯克欽奉

上諭向來各城伯克曾否將黑帽回子一體挑補若向
無此例該回子阿渾等既與白帽回子素不相能今
竟補放伯克白帽回子未必咸相悅服在我朝撫卹
夷衆原無分於種類惟恐伊等因此更相猜忌轉或
別生釁端著那彥成再行體察情形籌畫周妥奏聞
候旨遵辦欽此仰見我

皇上洞明萬里一視同仁臣等曷勝欽佩之至伏查向來伯克大概挑用黑帽回子居多卽如現在各城所用伯克均係黑帽回子而各城白帽回子歷久相安於不覺推原舊時立法深意原在不言之表今得恭奉

諭旨指示各情節

聖慮深遠恰與創始立法之意不謀而合俾臣等愚蒙頓然啟發既極欽感益增凜畏至向來阿渾不當差亦不挑用伯克而各阿渾有子孫人多者只有一二人充當阿渾其餘或買賣謀生或有充當伯

克者亦聽其便伏查乾隆年間阿克蘇阿渾阿布都霍普爾率領回衆攔城拒賊迎戴官兵經將軍兆惠奏懇

恩賞三品翎頂在案此次黑帽阿渾奈瑪特等抗節守義其子被害情節尤爲可憫新經浩罕送出臣等謹援照舊案給予三品頂翎另摺具奏至阿渾向來祇戴伊等白布裹纏之帽卽所賞翎頂伊等在家供奉以爲

恩榮並不戴用今黑帽阿渾奈瑪特旣援案請

賞翎頂其子弟亦照舊聽其自便惟臣等細繹

指示更發顓蒙應請

普勅各城以後無論何項回子當阿渾者只准念習回子經典教化回衆不准干預公事其阿渾子弟有當差及充當伯克者亦不准再兼阿渾於防微杜漸之道更爲周備臣等愚昧之見謹據實覆奏謹奏

道光九年二月初一日奉

上諭那彥成等前次奏請將黑帽回子挑補伯克當降旨飭查各城是否向有成例籌議具奏茲據奏稱向來伯克挑用黑帽回子居多白帽回子歷久相安其

阿渾向不當差亦不挑用伯克各阿渾子孫人多者
只有一二人充當阿渾其餘或自謀生理或充當伯
克均聽其便等語著通諭各城以後無論何項回子
當阿渾者只准念習經典不准干預公事其阿渾子
弟有當差及充當伯克者亦不准再兼阿渾以昭限
制

旌卹節義

道光八年五月初六日會同叅贊大臣固原提督
楊公芳喀什噶爾叅贊大臣武公隆阿

奏查葉爾羌舊城南門爲前任喀什噶爾叅贊大臣
慶祥之祖義烈公納木札爾殉節之所溯查乾隆
二十三年春間平定霍集占案內將軍兆惠錫伯
被困彼時納木札爾同三泰帶兵三百名由北路
前往救援賊衆數萬身受重傷致爲逆酋所得釘
其手足於該城南門竭忠盡節蒙

高宗純皇帝恩封義烈公今數十年來忠誠所貫義跡如

新雖屢次修城而屍迹不滅兵民回衆無不瞻仰
膜拜凜然敬畏臣前任萊爾羌辦事大臣時曾經
親見舊有義祠此次業經燒燬現已另建新城舊
城烈迹不可聽其日久泯滅理宜建設專祠以慰
忠靈擬卽在舊城南門就其義迹昭著之處建立
專祠春秋致祭俾忠烈之氣有所憑依昭垂不朽
並請

頒發

御筆匾額以垂久遠謹

奏

道光八年六月初七日奉

上諭那彥成等奏請建設義祠以慰忠靈等語葉爾羌舊城爲前任喀什噶爾叅贊大臣慶祥之祖義烈公納木札爾殉節之所向有義祠此次業經燒燬現已另建新城著仍在舊城建立專祠春秋致祭並頒發匾額以垂久遠

道光八年五月初六日會同叅贊大臣固原提督楊公芳喀什噶爾叅贊大臣武公隆阿奏爲酌定回夷難蔭以廣

皇仁而昭激勸事竊

臣

那彥成上年欽奉

諭旨張逆入卡勾結煽亂各城回子從逆者固多然其中能知大義不甘從逆被害殉節如和闐阿渾穆圖巴拉父子者當不乏人必應查明卹賞以勵恭順欽此欽遵在案臣於抵喀後辦理回子被難殉節應得卹典查有喀什噶爾被害五品伯克巴海五品阿奇木伯克依斯瑪依爾六品伯克依布拉依木六品伯克泥雅斯六品伯克莫洛素皮七品伯克玉素普等六員均歿於王事經揚威將軍長齡查明該伯克六員之子阿布都熱依特邁買底雅底噶爾邁瑪斯底克吐爾底依斯瑪依爾等六人奏

奉

恩旨賞給五品翎頂在案惟查定例陣亡副將以下把
總經制外委以上俱給與雲騎尉世職襲次完時
給與恩騎尉世襲罔替等語今給予五品翎頂並
未聲明世職不過及身而止歷年久遠其忠盡無
復有人知者忠義子孫降爲奴僕似與

聖朝酬忠之例尙未一律相應奏懇

皇上天恩俯准將

恩賞五品翎頂作爲世職承襲罔替內向無品級之小
回子俟查明另議嗣後遇有伯克缺出先儘世職

擇其才具明白辦事可靠者遴選補用其應交種地糧賦及阿爾板等項錢文概行豁免並令蓄留髮辮永爲

盛世忠良以示區別雖翎頂稍優而無關廉俸誠以該伯克等僻在回夷深知大義自當仰邀我

皇上破格隆施方足以慰忠魂而昭激勸

臣

等現將奏

定章程繕寫告示頒發西四城遍貼曉諭并咨行各大臣詳查被難殉節各伯克及小回子分別辦理期於無濫無遺務歸覈實其各城從逆伯克現亦咨令確查據實懲辦毋使一名漏網俾知盡忠

則殊榮繼世助逆則顯戮難逃藉以收輯回心挽
回風氣統俟咨到再行覈

奏至臣那彥成上年在京請

訓仰蒙

聖明指示辦理善後首以安撫回衆爲要臣沿途接見

各城阿奇木伯克阿渾等將撫綏開導之語反覆
宣諭令其傳諭回衆咸使聞知猶恐不能家喻戶
曉復又繕發告示繹寫回字張貼各城沿途察看
回情懷德畏威頗已蒸蒸向化並據伊薩克面稟
奴才一外夷回子渥蒙

大皇帝天高地厚之恩感激圖報不能言語形容因回
夷習俗難於驟改現已蓄留髮辮並伊子孫及現
充伯克各回子等均願蓄髮留辮以誌愛戴

天朝誠心向化之惻忱察其情詞實爲真切理合據情
奏

聞所有頒發各城回衆并曉諭襲職伯克子弟告示另
繕清單恭呈

御覽謹

奏

爲明白曉諭事照得回部從前爲準噶爾布魯特

欺凌而回子和卓刻剝賦役子女人口牛羊畜產
任意掠取而準噶爾甚至將布羅呢敦霍集占監
禁地牢永無生理我

朝

高宗純皇帝神武用兵掃清準部彼時

高厚天恩將該二逆酋布羅呢敦霍集占放還回部使之
仍主故土永作

天朝屏翰乃逆酋布羅呢敦等不思報德甫離虎口頓
行背畔復經我

高宗純皇帝命將出師

天戈所指底定八城逆酋授首自此以後六七十年內免
差減賦休養至今回子安居耕作豐樂富饒道光
五年秋間張格爾入卡滋事無知回民以爲是其
派罕巴爾竟爾被其煽惑從逆以至旬日之間四
城背畔經

大皇帝赫然震怒爰命數萬大兵四戰克復四城生擒
首逆爾回衆向來信

天敬

天可見天不助逆不待本大臣多言復代爾等愚回細想
深思爾回衆所最遵奉者天之外惟派罕巴爾查

爾派罕巴爾教伊子孫十餘條內有後世子孫不許造反不許姦淫婦女不許掠人財物等語爾派罕巴爾教訓回子之言何嘗不善爾回衆朝夕誦經所誦何言竟不知曉爾等愚蚩想必以爲派罕巴爾後人定善待爾等不知張格爾縱容安集延等殘害生靈淫虐婦女搜索財物其暴虐甚於從前和卓千倍萬倍及至交兵打仗則令回子在前受死而伊與安集延在後所以受傷陣亡半係內地愚回而伊與安集延等貪淫作樂飽載而逃是張格爾不但爲

聖朝之逆賊且爲派罕巴爾之逆種爾回衆從前不知
醒悟此番身受目睹豈不自知後悔深思

天朝休養厚恩至如東四城回衆深知大義并無從逆
之人甚屬可嘉其和闐一城先經變亂旋即縛賊
歸命大兵未至復爲賊擾其禍更慘於前尤堪矜
憫本大臣現卽查明死難之家奏知

大皇帝施恩以旌死節至喀什噶爾英吉沙爾葉爾羌
三城甘心從逆旣未能死事於前又未能縛獻張
格爾歸命本大臣奉

大皇帝聖諭督率師干理應將爾等甘心從逆之人孩

提不留全行勦洗今首逆已擒檻送京師

大皇帝如日之明如天之仁

降旨將兵丁撤回只令本大臣馳抵回疆撫綏爾回衆
合行明白曉諭爲此示仰各城回衆并令阿奇木
伯克等譯出回字各處張貼俾大小回衆此後革
面洗心永報

天恩父子夫妻永遠享

昇平之福至從前各城積弊凡有苦累爾等之處本

大臣當查明奏聞

大皇帝永遠禁止爾回衆其勿疑勿懼勉爲良善以贖

罪孽各宜凜遵勿忽特示

爲曉諭承襲難蔭之伯克後裔以昭激勸事照得
本大臣欽奉

諭旨上年張逆入卡勾結煽亂各城回子從逆者固多
然其中能知大義不甘從逆被害及自行殉節如和
闐阿渾穆圖巴拉父子者當不乏人必應查明卹賞
以勵恭順欽此欽遵在案仰見我

皇上如天之仁如日之明萬里遐荒之外洞照無遺凡
寰海內外臣民莫不感激奮興交相勸勉爾回衆
經張逆煽亂甘心助逆罔顧身家者業已明正刑

誅其死事伯克等經揚威將軍大學士公長齡查
明喀什噶爾五品燕塔斯伯克巴海之子阿布都
熱依特米喇普伯克依布喇依木之子雅底噶爾
米喇普伯克呢牙斯之子邁瑪斯底克明伯克玉
素普之子依斯瑪依爾五品阿奇木伯克依斯瑪
依爾之子邁買底瑪塔爾伯克莫洛素皮之子吐
爾底等六人奏知

大皇帝均賞給翎頂在案查

國朝定制經制外委以上受傷陣亡沒於王事者其後
嗣均得仰邀世襲官職使忠義後嗣世世均受

皇恩酬忠之典至優極渥該伯克巴海等但一

天朝回子小伯克竟能深知大義實堪嘉獎本大臣代
天宣化廣播

皇仁於此項捐軀報國之人必當厚加優卹昨雖將阿
布都熱依特等六人從優賞賜尙不足以慰忠魂
而昭獎勸況給子翎頂不過及身而止歷年久遠
忠義子孫竟有降爲奴僕者本大臣曷深憫惻茲
復奏請

聖恩將該伯克等之子弟所得頂戴作爲世職世襲罔
替嗣後遇有伯克缺出先儘此項世職內才具明

白辦事可靠者儘先陞用一應應交種地錢糧及
阿爾板等差概行豁免并令蓄留髮辮永作

盛世忠良以示區別至上年張逆入卡各城死事之人
自不止該伯克等六人其餘小回子中忘身殉國
視死如歸者當復不少已一面行查西四城各大
臣督令阿奇木等詳查咨覆彙稿具奏懇求

皇上天恩照本大臣此次奏明章程辦理至爾忠義後
嗣人等當時時追念乃祖乃父死事之苦自痛自
勉學好向上盡心辦事勤習滿文使闔城回衆咸
知忠義之報世世不絕較之反覆無常甘心作孽

者其榮辱何啻霄壤除將查出被難之家奏明卹典外合行出示曉諭爲此示仰各城被害各伯克小回子之子弟知悉爾等所得翎頂均准世襲罔替遇有伯克缺出儘先陞用一應種地錢糧及阿爾板等差概予豁免並令蓄留髮辮以示體面各宜講求忠義勉爲善良永遠承受

天朝參養深恩慎勿日就下流自取罪戾本大臣於該子弟等有厚望焉各宜凜遵毋違特示奉

硃批覽

道光八年六月初七日軍機大臣字寄奉

上諭伊薩克現已蓄留髮辮並伊子孫及現充伯克各回子等均願蓄留髮辮情辭真切具見愛戴之忱洵堪嘉獎其賞世職之回子等願留髮辮固屬可嘉若習俗相沿難於驟改亦聽其便、

道光八年六月初七日奉

上諭那彥成等奏酌定回夷難厯章程一摺喀什噶爾被害伯克之子阿布都熱依特適買底雅底噶爾適瑪斯底克吐爾底依斯瑪依爾等六人前經降旨賞給五品翎頂著加恩准其作爲世職承襲罔替內向無品級之小回子著查明另議至嗣後遇有伯克缺

出仍應擇其才具明白辦事可靠者遴選補用不得
概以世職充補其應交種地糧賦及阿爾板等項錢
文著概行豁免那彥成卽將現定章程繕寫告示頒
發西四城遍貼曉諭並著各大臣詳查被難殉節各
伯克及小回子分別辦理其各城從逆伯克亦著咨
令確查據實懲辦以昭激勸

道光八年八月二十二日會同叅贊大臣固原提
督楊公芳喀什噶爾叅贊大臣武公隆阿

奏查現補英吉沙爾四品阿奇木伯克邁瑪特瑪哈
素特係郡王伊斯堪達爾之孫因伊父玉努斯不

甘從逆致被戕害上年欽奉

諭旨賞給三等台吉查邁瑪特瑪哈素特係忠盡後嗣
應照各城難蔭

賞戴花翎惟各城難蔭俱奏請世襲五品翎頂該伯克
之父玉努斯曾襲郡王緣事革職查抄家產臨難
盡節深知大義其後嗣應請優予世職以慰忠魂
可否將三等台吉翎頂作爲世襲之處出自

天恩又葉爾羌色勒瑚爾莊六品伯克邁買沙軍營出
力經長齡奏

賞四品頂戴花翎因該回莊在卡外布魯特游牧地面

與什克南巴達克山連界非本莊之人熟悉情形
難期勝任是以將邁買沙請陞該莊五品阿奇木
但該伯克勞績最著因人地相需不能對品陞用
未免向隅應請

賞換三品頂戴俾其安心撫馭可資久任又喀什噶爾
小回子哈底爾努魯斯二名上年十二月在伊斯
里斯克探報張格爾入卡出力長齡原報漏未列
入應請

賞給六品頂翎以獎微勞謹

奏

道光八年九月二十二日奉

上諭那彥成等奏忠盡後裔及軍營出力之伯克回子
請分別加恩等語英吉沙爾四品阿奇木伯克邁瑪
特瑪哈素特係伊斯堪達爾之孫前因伊父玉努斯
不甘從逆致被戕害加恩將該伯克賞給三等台吉
並賞戴花翎現將各城難廕俱准世襲頂翎所有邁
瑪特瑪哈素特前賞三等台吉翎頂准其世襲罔替
葉爾羌色勒瑚爾莊六品伯克邁買沙前在軍營出
力經長齡奏明賞給四品頂戴花翎並以該伯克熟
悉該回莊情形陞授該莊五品阿奇木茲據那彥成

等奏該伯克勞績最著今因人地相需不能對品陞用未免向隅著加恩賞換三品頂戴俾令安心撫馭可資久任喀什噶爾小回子哈底爾努魯斯二名上年張逆入卡探報出力長齡原保漏未列入著加恩賞給六品頂翎以勵忠盡而獎勤勞

道光八年十月初五日會同喀什噶爾叅贊大臣武公隆阿

奏查道光六年九月間原任烏什辦事大臣慶廉派令烏什阿奇木伯克木薩赴奇里克愛曼傳喚布魯特比庫圖魯克因該逆詞氣怠慢不肯卽出時

已天晚木薩與該愛曼本係素識卽在該逆蒙古
包內住宿半夜該逆糾人將其隨帶伯克回子等
殺害七人木薩身受矛傷斧傷七處死而復甦逃
回稟報雖未殞命實與臨陣身受重傷無異似應
仰懇

聖慈量予

恩施以彰有功惟查木薩本係台吉四品伯克現已照
例奏請承襲公爵無可再加可否將伊子閒散六
品領頂邁瑪特塔里普

賞給三等侍衛之處出自

聖主天恩謹

奏

道光八年十一月初七日奉

上諭那彥成等奏查明阿奇木伯克前因差遣身受重傷懇將伊子加恩等語烏什阿奇木伯克木薩於道光六年九月間經慶廉派赴奇里克愛曼傳喚布魯特比庫圖魯克該逆將其隨帶伯克回子等殺害七人木薩身受矛傷斧傷七處逃回稟報實與臨陣受傷無異木薩本係台吉四品伯克現已承襲公爵著將伊子閒散六品翎頂適瑪特塔里普著加恩賞給

三等侍衛

道光八年十月初五日會同喀什噶爾叅贊大臣

武公隆阿

奏爲查明各城被害伯克回子分別請卹恭繕清單

事竊

臣

那彥成上年欽奉

諭旨四城被害糧員侍衛官弁兵丁及効力廢員並伊等跟役同時遇難者曾否分晰查明造冊咨部並將各城小回子中有不甘從逆遇害及捐軀自盡者查明實在情形奏請加以恩卹欽此仰見我

皇上彰善旌忠刑賞中正之至意當卽欽遵咨行各城

確查去後旋准各城大臣將被害伯克回子分別
造冊咨送前來業經_臣等將喀什噶爾被害五品
伯克巴海等六員之子阿布都熱依特等六名查
明具奏荷蒙

恩賞五品頂戴花翎奏請世襲罔替應交糧賦阿爾板
錢文概行豁免其向無品級之小回子查明另議
欽奉

諭旨恩准在案茲續查出喀什噶爾被害五品密拉普
伯克邁哈素特等五員又准葉爾羌咨報被害四
品伊什罕伯克邁瑪特西里普等二員和闐咨報

被害伊里齊三品阿奇木伯克木瓦拉克沙等十
四員吐魯番咨報隨從原任喀什噶爾阿奇木伯
克邁瑪薩依特被害哈資伯克玉努斯等四員以
上均據各城大臣查明打仗陣亡被賊殺害屬實
均有嫡子與襲職之例相符相應請

旨將邁哈素特等之子阿布都拉里克等二十五名

恩准承襲五品頂翎世職照例豁免糧賦及阿爾板錢

文至金頂以下小回子被害人數較多

臣

等公同

酌議擬將被害之金頂回子及因公差遣打仗陣
亡之小回子給與金頂世職承襲罔替遇有七品

伯克及額設金頂回子缺出擇其才具明白堪以造就之人遴選補用其餘被害小回子免其烏拉馬軍臺卡倫差使據各城查報喀什噶爾應襲金頂回子十九名葉爾羌應襲金頂回子四名英吉沙爾應襲金頂回子一名和闐應襲金頂回子十一名又烏什派赴奇里克愛曼傳喚從逆布魯特比庫圖魯克被害除伯克依布拉依木並無子嗣毋庸給予卹典外應襲金頂回子二名又吐魯番隨從邁瑪薩依特被害應襲金頂回子一名其並無子嗣之人而其父尙存者未便父襲子職應照

所襲職分給予頂戴榮身例應優免差徭者將伊父名下應當烏拉馬軍臺卡倫差使一律請免通共喀什噶爾英吉沙爾葉爾羌和闐阿克蘇烏什吐魯番七城應免差回子二百九十三名以上承襲金頂及免差回子由

臣

武隆阿造具花名清冊

咨送戶部理藩院查核惟隨從邁瑪薩依特被害尚有頭二三四等護衛七員係該郡王典儀與現任伯克有間應如何給予卹典之處既無辦過成案回疆又無例可查應咨明理藩院照例核辦仍咨行各城大臣詳細確查如有遺漏准其續報再

行奏明辦理至各城被害之滿漢官員兵丁等曾
准揚威將軍長齡咨稱各城被害殉節之糧員侍
衛廢員及換防滿漢官兵因四城文案冊檔全被
焚燬無從查考已分咨原派換防官兵之各該營
及由京派往之各該衙門查明造冊辦理奏奉
上諭著照所請卽飭各該處分別奏咨籲懇恩卹以慰
忠魂欽此應由各該旗籍及各衙門詳細查明分別
奏咨以免遺漏謹

奏

道光八年十一月初七日奉

上諭那彥成等奏查明各城被害伯克回子分別請卹
一摺前經降旨將各城小回子中有不甘從逆遇害
及捐軀自盡者查明實在情形請加恩卹茲據那彥
成等查明四城被害伯克回子應請承襲開單呈覽
著照所請所有五品頂戴花翎阿布都拉里五品頂
戴花翎伊斯瑪依爾六品頂戴藍翎托列克五品頂
戴花翎伊斯瑪依爾五品頂戴花翎邁瑪特玉素普
四品頂戴花翎邁瑪特斯底克金頂巴克衣六品頂
戴藍翎買瑪泥牙子六品頂戴藍翎邁瑪特熱依木
沙六品頂戴邁木土沙六品頂戴藍翎依薩克六品

頂戴愛邁特沙六品頂戴鄂斯滿六品頂戴藍翎托
胡素皮五品頂戴花翎鄂斯滿六品頂戴玉素普六
品頂戴藍翎約霍普六品頂戴多拉特未賞頂戴愛
孜木沙薩木薩克六品頂戴阿布都熱依木未賞頂
戴哈底爾邁瑪特依斯愛里泥雅斯邁瑪阿拉俱加
恩賞給五品頂戴花翎世襲罔替應交糧賦及阿爾
板錢文概行豁免其所議承襲金頂及免差回子仍
著武隆阿造具花名清冊咨送戶部理藩院查核惟
隨從邁瑪薩依特被害尙有頭二三等護衛七員
係該郡王屬官應咨明理藩院照例核辦仍咨行各

城大臣詳細確查如有遺漏准其續報再行奏明辦理並各城被害之滿漢官員兵丁等應由各該旗籍及各衙門詳細查明分別奏咨以免遺漏而慰忠魂該部知道

道光八年十月初五日會同喀什噶爾叅贊大臣武公隆阿

奏爲查明黑帽回子阿渾被害奏請

恩卹事竊查喀什噶爾回族向分白帽黑帽二種白帽乃霍集占之支派戶族繁多倍於黑帽而黑帽白帽至今自分黨類竟有遠處回莊彼此不准入莊

亦不往來結親自生猜嫌相沿已久是以上年自
帽回子助逆者甚多惟黑帽回子志切同仇迎迓
官兵隨同打仗頗著忠誠張格爾攻陷喀城之日
因黑帽回子阿渾奈瑪特不肯從逆將奈瑪特送
赴浩罕伊子布哈呢頂伊弟賽迪里頂伊姪斯拉
吉頂密約已故黑帽掌教大阿渾毛拉薩迪克之
長子阿渾賽依特作拉里頂與其弟依布拉依木
阿拉倭頂斯拉吉頂等商議乘大兵臨蒞之時糾
集衆黑帽回子設法擒拏張格爾獻功因漏洩風
聲被張格爾將布哈呢頂賽迪里頂斯拉吉頂賽

依特作拉里頂依布拉依木阿拉倭頂斯拉吉頂
七人全行致死茲_臣等查辦卹典據伊薩克呈報
前來伏查回子最重阿渾以其熟悉回經堪爲衆
人表率愚回惟阿渾之言是從是阿渾乃衆回綱
領收羅易固人心今該阿渾等深知大義尊奉

天朝維時白帽勢衆黑帽勢孤鮮有不爲動搖者是其
抗志捐軀實堪嘉尙該白帽黑帽回子等自分畛
域目下因時制宜正當使黑帽回衆阿渾子弟咸
以竭忠盡節爲榮庶表彰黑帽之功而隱以分白
帽之勢使若輩自生猜嫌互有鈐制至白帽中亦

問有出力者尙當隨時查核奏

聞於勸懲撫綏方爲周備合無仰懇

聖主天恩俯准將布哈呢頂之子邁買底敏

賞給三品頂戴花翎賽迪里頂之子柯奇克斯拉吉頂

之子阿里布頂賽依特作拉里頂之子巴海依布

拉依木之子作羅爾頂阿拉倭頂之弟奴魯頂斯

拉吉頂之子哈木爾頂六名均

賞給四品頂戴花翎奈瑪特之弟托胡達上年隨赴喀

爾鐵蓋山生擒張格爾奏蒙

賞給六品頂翎並請

硃

賞換五品頂戴花翎一律照伯克卹典承襲罔替其才

此條應再酌

具明白之人亦准挑補伯克各名下應納糧賦及
阿爾板錢文概予優免其餘喀英二城黑帽阿渾
子弟霍卓拉克薩頂等八名免其糧賦以示獎勵
由臣武隆阿造冊咨送理藩院戶部查核惟是黑
帽阿渾子弟仰沐

曠典白帽回子自知伊等爲逆犯苗裔難免心存疑懼
現經臣等出示曉諭以爾等自分白帽黑帽

大皇帝一視同仁並無區別今黑帽阿渾之子弟邁買

底敏等奏請

賞給翎頂世職而白帽回衆中亦有補放各城伯克破
害伯克回子其子孫亦奏

賞五品頂戴花翎及金頂世職分別免糧免差無論白
帽黑帽但能盡忠出力卽予

恩施如敢心存離畔法不稍貸剴切開導以示持平是
殊

以白帽回衆亦復蒸蒸向化地方情形更臻安帖

謹

奏

道光八年十一月初七日軍機大臣字寄奉

上諭那彥成等奏查明前此被害之黑帽回子阿渾請

加恩卹一摺喀什噶爾黑帽回子與白帽回子自分
畛域前此張逆進卡滋事因黑帽回子阿渾奈瑪特
不肯從逆送往浩罕伊子布哈呢頂伊弟賽迪里頂
伊姪斯拉吉頂密約阿渾賽依特作拉里頂及其弟
依布拉依木阿拉倭頂斯拉吉頂等商議乘大兵進
剿時糾集黑帽回衆設法擒拏張逆事洩伊等七人
全行遇害該阿渾等深知大義抗志捐軀實堪嘉憫
著將布哈呢頂之子邁買底敏賞給三品頂戴花翎
賽迪里頂之子柯奇克斯拉吉頂之子阿卑布頂賽
依特作拉里頂之子巴海依布拉依木之子作霍爾

頂阿拉倭頂之弟奴魯頂斯拉吉頂之子哈木爾頂俱著賞給四品頂戴花翎奈瑪特之弟托胡達前因隨同擒逆賞給六品頂翎著賞換五品頂戴花翎均准其照伯克卹典世襲罔替各名下應納糧賦及阿爾板錢文概予優免其餘喀什噶爾英吉沙爾二城黑帽阿渾子弟霍卓拉克薩頂等八名亦准免其糧賦以示獎勵

道光八年十一月初三日會同喀什噶爾叅贊大臣武公隆阿

奏爲回子已革公爵查明應襲支派照例請襲事竊

查揚威將軍長齡等具奏阿克蘇阿奇木伯克貝子邁哈莫特鄂對和闐六品伯克公爵阿布都莫們葉爾羌五品伯克公爵邁瑪特伊布拉依木均被張格爾擒獲賄囑釋放念其均係忠良後裔尙非甘心從逆請免治罪作爲閒散回子欽奉

諭旨著加恩免其治罪不准錄用除伊薩克前已承襲貝子晉封郡王外其餘應襲公爵著該叅贊大臣查明奏請承襲欽此伏查乾隆年間平定回疆回子和什克噶岱默特歷著忠勤仰蒙

恩賞公爵世襲罔替阿布都莫們係和什克之孫邁瑪特

伊布拉依木係噶岱默特之曾孫所襲公爵業已
斥革自應在於和什克噶岱默特各嫡支子孫內
遴選承襲當卽咨行該回子原籍和闐阿克蘇各
城確查應襲支派繪具宗圖照例給咨驗看去後
茲准和闐領隊大臣查取和什克宗圖傳齊應襲
之人咨送前來臣等會查得和什克之嫡長曾孫
木巴拉克沙係和闐伊里齊三品阿奇木伯克木
巴拉克沙之長子阿布都拉係和闐伊里齊五品
噶襍納齊伯克均係此次隨同堵禦被害業經查
明於卹典摺內開單具奏請將該伯克之子顯懇

恩卹在案茲按圖傳驗查有業經請襲五品世職之邁
瑪特熱依木沙現年十六歲係和什克第五世嫡
長孫卽木巴拉克沙之長孫阿布都拉之長子伊
祖伊父均歿於王事允爲忠盡後裔堪以承襲和
什克公爵又准阿克蘇辦事大臣咨送公爵噶岱
默特宗圖聲明阿克蘇並無伊家近支子孫伊孫
木薩係現任烏什阿奇木伯克請移咨烏什查辦
又復咨准烏什辦事大臣覆稱現任烏什五品阿
奇木伯克木薩係噶岱默特之嫡次曾孫道光三
年准葉爾羌咨開烏什阿奇木伯克木薩胞兄公

爵邁瑪特依布拉依木因無子嗣請將伊曾祖噶岱默特所遺二等台吉給予木薩承襲咨明理藩院具奏奉

旨依議欽此欽遵在卷應給咨木薩赴驗等情臣等查閱噶岱默特宗圖除木薩之外別無嫡支子孫木薩係噶岱默特之嫡次曾孫現年三十五歲已襲二等台吉堪以承襲噶岱默特公爵以上二員臣等查明世系均係嫡支與例相符謹繪具和什克噶岱默特宗圖恭呈

御覽應否卽以邁瑪特熱依木沙木薩各承襲公爵世

職伏候

欽定謹

奏

道光八年十二月初六日奉

上諭那彥成等奏回子已革公爵查明支派請旨承襲
一摺回子和什克噶岱默特於乾隆年間平定回疆
歷著忠勤得膺公爵世襲罔替和什克之孫阿布都
莫們噶岱默特之曾孫邁瑪特依布拉依木所襲公
爵前俱因罪斥革自應於和什克噶岱默特各嫡支
子孫內遴選承襲茲據那彥成等查驗得應襲之人

並繪具宗圖奏請承襲所有和什克公爵准其以邁
瑪特熱依木沙承襲噶岱默特公爵准其以木薩承
襲

那文毅公籌畫回疆善後事宜奏議卷七十八